


Indra Zaandam ta splica: Cascabel local: un tesoro di Aruba cu nos mester proteha



ORANJESTAD (AAN) – Den entrevista cu srta. Indra Zaandam, funcionario di Parke Nacional Arikok, Matutino DIARIO a puntre tocante e peligro real di boa pa e ser humano. Esaki den sentido cu na Aruba nos tin vies y miedo di boa, mientras cu e expertonan di Merca cu ta na Aruba, nan ta maneha e boa como mascota. Indra Zaandam a menciona cu e por compronde esaki pasobra e expertonan di Merca tin mas cu trinta aña ta traha cu reptil y nan tin pasion pa nan profesion

y un boa cu por haya den otro caminda por ta rabia pasobra e tin hamber.

E hoben a subraya cu aworaki tin mas interes cerca e bishitantenan di Parke pa haya mas informacion tocante e boanan, pasobra e ta un problema cu tur dia nos comunidad ta topa cune, y principalmente e muchanan di school ta haci trabanonan escolar tocante boa.

Indra Zaandam a remarca cu locual PNA kier trece dilanti ta e diferencia entre boa y cascabel. Tin hende ta cana na Natural Bridge, por ehemplo, y si nan ta wak un reptil nan ta kere cu ta un boa; si nan ta mate cu un piedra nan ta mata un cascabel, y loke comunidad mester compronde ta cu locual tin na Aruba ta unico den su especie, kiernen ta un especie endemico.

Ta hopi yammer pa mata nan

di manera cu nan tin un otro vision of perspectiva.

Pero e por compronde tambe si un hende na Aruba ta topa di-ripiente cu un boa den camber, di cual e no tin conocimiento ni sa con pa maneha e situacion.

E dama a señala cu e expertonan ta splica cu prome aspecto cu mester tene na cuenta pa maneha un boa ta no tin miedo. Pero logicamente ta dificil pa domina miedo ora un hende tin un boa cu ta rabia, su dilanti.

E expertonan ta splica cu ora un hende ta domina e miedo e ta actua tranquil pensando cu claridad, y e ora ey e boa no ta bay morde.

Tambe e expertonan a splica cu e boanan cu tin den Parke Arikok ta manso pasobra nan ta den un area isola, pero esey no kiernen cu nan ta manso mes, pasobra tur bestia ta sensitivo,



pasobra e poblacion di cascabel cu tin na Aruba no ta grandi, pero e hendenan ta haya miedo door di kere cu ta boa.

Pesey esnan encarga den Parke Arikok kier pa hendenan acerca e cascabel cu cautela pero sin miedo, mirando cu mester proteha nan pasobra nan ta un tesoro na Aruba.

El a subraya cu te aworaki no tin un hende na Aruba cu por a muri di un mordi di cascabel. E culebra aki tin veneno y e ta potente, pero su manera di actua ta diferente cu e boa. Boa ta un bestia cu por gara ora e ta rabia, pero cascabel ta un animal hopi timido y cu ta rabia su mes den peligro. Si un persona ta wak



un cascabel pasa banda di dje y lague pasa gewoon e no tin problema, pero si purba gara e maraca dos of tres biaha e cascabel ta sinti su mes amenaza. Si cascabel morde un hende, vooral mucha, mester hibe hospital hopi lihe pa yega na tempo y nan tin un protocol cu nan ta uza ora hende ta wordo mordi pa un culebra.